



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

De suscipientibus Baptismum.

urn:nbn:de:hbz:466:1-40295

De ſuſcipientibus Baptiſmum.

QVÆRITVR IX, qui nam debeant baptizari.

Reſpondet Beza in Quæſt. & Reſponſ. de baptiſmo. *Omnes, qui mihi fœderis tabulas ritè exhibuerint, quibus obſignandis baptiſmus eſt inſtitutus. Sed iam*

Quæritur X. Qui nam ritè fœderis tabulas oſtendūt? Reſpondet, Beza; *Qui, ſiquidem adulti ſunt, aſſenſum ſuum teſtantur. At iam*

Quæritur XI. Nulli igitur adulti admittendi, niſi rectam fidē diſertè profeſſi? Reſpondet Beza. *Nulli. Ex quo tamen ſequitur, Bezam omnes illos, qui extra Synagogam Calvinianam baptizātur, rebaptizare debere, cum ipſe nullam fidem, niſi Calvinianam, pro recta habeat; nemo autem, extra Calviniana caſtra, Calvinianæ fidei profeſſionem ante baptiſmi ſuſceptionem faciat: cumque baptiſmus, vt vult Beza, ſit veræ, hoc eſt, Calvinianæ fidei obſignatio, verus baptiſmus non erit, niſi vbi vera fides erit, quia veræ fidei Sigillum non obſignat, Beza iudice, niſi veram fidem.*

Quæritur XII. Num omnes infantes admittendi? Reſpondet Beza: *Neque quosuis infantes admifero. Nam neq; Mahometanorum, neque Iudæorum infantes admifero.*

Quæritur XIII. Qua de cauſſa tales infantes non ſint admittendi? Reſpondet Beza. *Quia fœderis tabulis non comprehenduntur. Significat ergo Beza Mahometanorum & Iudæorum infantes baptizari non poſſe, etiam abſtractos & eductos ex parentum infidelium cura & poteſtate; etiam in extremo vitæ periculo: etiam petente vel vtroque vel alterutro parente; Si vel vterque vel alter in infidelitate maneat; quia tales non comprehenduntur in fœdere quod Genevæ Calvinus cum*

D

ſuis

suis iniit. Adhibent quidem Catholici quoque doctores exceptionem de baptizandis Mahometanorum, Iudæorum & Ethnicorum liberis, sed longè aliam, & aliter, & aliam ob causam; vt te docebunt cum alij, tum Franciscus Suarez & Greg. de Valentia, in Disputationibus suis de Baptismo.

Quæritur XI V. Num soli infantes ex fidelib. nati, ad baptismum sint admittendi, Respondet Beza. *Ita censeo: non manifesta sunt fœderis verba. Ero Deus tuus & seminis tui. Appellatione verò seminis omnes gentes fidem Abrahæ secutas contineri, docet Apostolus Galat. 3. Et idem manifestè dicit, sanctos esse liberos ex altero etiam parente fideli natos: qua sanctificatione nihil aliud intelligi potest, quàm comprehensio in fœdere, &c.*

Quæritur X V. Vtrum infantes *Papistarum*, hoc est, Catholicorum, ad fidem admitti debeant. Et videntur excludendi cum non nascantur ex parentib. fidelibus: Beza iudice. Respondet Beza, admittendos esse: quia in *Papatu* manet propria Ecclesiæ nota, hoc est, verus baptismus. Vbi autem est propria Ecclesiæ nota, ibi est Ecclesia. In *Papatu* igitur, Beze iudicio, est vera adhuc Ecclesia; quia vera Ecclesiæ nota, nempe *baptismus*.

Quæritur X VI. Quid absolutè de *Papistarum* liberis dicendum sit; an sint simpliciter ad baptismum admittendi; sit vterq; parens in *Papatu* perseueret. Respondet Beza, *non temerè id facerem; sed si ex parentibus aut cognatis aliquis, Papismum eiurans & infantem habens in potestate, hoc à me postularer; vel alioqui idoneus sponsor adesset, qui piam & rectam infantis institutionem polliceretur.* Idemque asserit Beza de Mahometanorum & Iudæorum infantibus; si vel parentes sectam suam deserant, vel cognati, in quorum potestate infantes sunt; ad baptismum eos offerant. Quæri-

Quæritur XVII. quid de hac re ſentiat Bezæ Magiſter Caluinus. Reſpondetur id planum fieri ex his eius verbis Epift. 149. ad Farellum. Quæris, liceatne ordinis noſtri miniſtris, qui puram Euangelij doctrinam profitentur, ad Baptiſmum admittere infantem, cuius pater ab Eccleſiis noſtris alienus eſt: mater verò ad Papatum defecit: ita ut parentes ambo ſint Papiſta; ita reſpondendum cenſuimus. Abſurdum eſſe, ut eos baptizemus, qui corporis noſtri membra cenſeri nequeunt. Quum in hoc ordine ſint Papiſtarum liberi, quomodo Baptiſmum illis adminiſtrare liceat, non videmus. Accedit etiam altera ratio, ſtipulamur enim ab iis, qui offerunt, ut adultos erudiant in ea fide, in qua baptizantur. Si nemo fide iubeat, profanari Baptiſmum certum eſt. Si verò promittant fideiuſſores, quod non eſt in eorum poteſtate, palàm luditur Deus, præſertim ſi hoc notum ſit, non ſeridò, ſed tantum defunctoriè promitti. Hæc Caluinus: & ſimilia alibi paſſim. Pſeudofynodus Francica apud Schulting. lib. 9. Hierarch. Anacriſ. Infantes habentes patrem aut matrem ad hærentes Eccleſiæ Romane, non recipientur ad baptiſmum in Eccleſiis reformatis. Et ſi præſentati fuerint per paternos fideles, ſi Pater aut mater (ſi forſan altero ſit orbatuſ parente) non conſentiât aut poſtulent & ſe non demittant ſuam autoritatem deſerentes & credentes patrinis omne ſuum ius, quantum ad inſtructionem, una cum promiſſione ſe paſſuros ſuos inſtrui infantes in vera religione, non admittentur. En quomodo Diabolus Catholicorum infantibus inſidietur. Ex quibus apparet, iſtorum iudicio, infantes non effici per baptiſmum filios, ſed iam antea tales ex æterna Dei electione factos, baptiſmate velut ſigillo quodam appenſo obſignari.